

KENYATAAN AKHBAR

Untuk Siaran Segera

MINGGU PEMBINAAN ANTARABANGSA (ICW 2014) KALI KE-14 SEBAGAI PLATFORM PEMBINAAN MENJADI LEBIH MAPAN DAN PRODUKTIF

08 SEPTEMBER, 2014 | KUALA LUMPUR : CIDB Malaysia akan menganjurkan Minggu Pembinaan Antarabangsa (ICW 2014) kali ke-14 yang akan menjadi platform pertukaran pengalaman dan pengetahuan kepada industri pembinaan di negara ini supaya lebih mapan dan produktif.

Acara tahunan yang menghimpunkan kesemua segmen penggiat industri pembinaan seperti kontraktor, pembekal, pemaju, arkitek, perunding pembinaan dan akademia ini bertujuan untuk berkongsi idea dan memperkenalkan teknologi baru dalam pembinaan untuk peningkatan kecekapan produktiviti industri pembinaan.

ICW 2014 akan berlangsung pada 17-23 September 2014 bertempat di Pusat Dagangan Dunia Putra (PWTC) ini turut mendapat kerjasama UBM Asia menerusi program Ecobuild Southeast Asia 2014 yang akan membuka peluang perniagaan kepada pemain industri pembinaan tempatan untuk meneroka pasaran pembinaan di peringkat antarabangsa menerusi padanan perniagaan (*business matching*) membabitkan pelaburan antarabangsa dengan sokongan dan kerjasama Perbadanan Pembangunan Perdagangan Luar Malaysia (MATRADE).

Dengan jangkakan 15,000 pengunjung dan penyertaan dari luar negara seperti United Kingdom, German, Ghana, Guinea, Australia, New Zealand, Myanmar, Thailand dan Indonesia, ICW 2014 turut menampilkan kelainannya pada tahun ini apabila 300 pempamer dari 24 negara akan memperkenalkan beberapa teknologi baru dalam industri pembinaan termasuklah mengoptimumkan penggunaan teknologi *Building Information Modeling (BIM)* selain peluang dalam sektor nuklear.

Pengerusi CIDB Malaysia, Tan Sri Dr. Ahmad Tajuddin Ali berkata ICW 2014 dilihat sebagai gerbang dan platform kepada penggiat industri tempatan dan serantau untuk mempromosikan kepakaran, perkhidmatan dan produk mereka kepada dunia disamping

mengumpul maklumat dan membina jaringan dengan penggiat industri daripada negara lain serta berkongsi pengalaman dengan mereka.

Beliau juga meminta agar penggiat industri mengambil peluang daripada ICW 2014 ini untuk meneroka penggunaan teknologi ICT seperti BIM yang dilihat berupaya meningkatkan produktiviti dan daya saing mereka, selain mempertingkatkan kegunaan *Industrialised Building Systems (IBS)* dan mekanisasi.

“Sejajar dengan tema ICW 2014 tahun ini, *‘Building a Better Tomorrow’* saya berharap agar peluang yang terdapat dalam penganjuran ICW 2014 kali ini digunakan sepenuhnya oleh penggiat industri tempatan untuk lebih mapan dan produktif,” katanya.

Lebih menarik penganjuran ICW 2014 kali ini ialah penampilan beberapa tokoh terkemuka seperti mantan Perdana Menteri Malaysia, Tun Dr. Mahathir Mohamad, bekas Menteri Wanita, Keluarga dan Masyarakat Malaysia, Datuk Seri Shahrizat Abdul Jalil dan beberapa lagi tokoh menerusi lapan seminar utama ICW 2014 iaitu:

1. *International Construction Conference*
2. *Malaysian 6th Construction Summit*
3. *Persidangan Pengurusan Aset Kerajaan*
4. *International Roof and Facade Conference*
5. *Konvensyen Usahanita Binaan 2014 (Kubina)*
6. *Captains of Industry Luncheon*
7. *International BIM Day*
8. *Real Estate and Infrastructure Investment Summit*

Selain itu ICW 2014 menawarkan 13 bengkel percuma yang akan membincangkan beberapa topik menarik seperti teknologi hijau, bandar pintar, pengurusan sisa pembinaan dan banyak lagi.

Kemuncak kepada penganjuran ICW 2014 adalah Malaysian Construction Industry Excellence Awards (MCIEA) untuk mengiktiraf pencapaian syarikat dan tokoh pembinaan dalam pembinaan negara. Menariknya, MCIEA pada tahun ini ialah dua kategori baru telah diperkenalkan iaitu *Green Construction* dan *Construction Leading Lady*.

-Akhir-

Untuk maklumat lanjut, sila hubungi CIDB Malaysia:

Noryani Ismail (*noryani@cidb.gov.my*)

03-40477027/019-2856867;

Abdul Rakis Santa (*rakis@cidb.gov.my*)

03-40477008/012-6200360

About CIDB:

The Construction Industry Development Board was established under the Construction Industry Development Act (Act 520) to develop the Capacity and Capability of the Construction Industry Through Enhancement of Quality and Productivity by Placing Great Emphasis on Professionalism, Innovation and Knowledge in the Endeavour to Improve the Quality of Life.